

बापजी गूगल धूप,
गाळे पर खेवा हा,
परमल बास,
पियालों में जाय,
सायल सुणो,
ओ भोमिया राजा हा,
करूँ मैं आरती,
दोय कर जोड़,
सायल सुणो,
हिंदवाणी रा सूरज हे ॥

बापजी ओ आचीणे,
उ चढ़िया भोमिया हा,
हे सोलह साँवत,
चढ़िया हैं लार,
सायल सुणो,
ओ भोमिया राजा हा ॥

बापजी ओ हाथी री,
असवारी थोने सोवे हे,
कड़ियों कटारों,
हाथ माई शेल,
बापजी घोड़े री,
असवारी थोने सोवे,
करूँ मैं आरती,

दोय कर जोड़,
सायल सुणो,
हिंदवाणी रा सूरज हे ॥

भळ हळ भालो,
सोवे थोरे हाथ,
बापजी ओ माही,
भादरवे मेळो भरीजै हे,
हे इण चवदस रो,
थपियो है धाम,
सायल सुणो,
ओ भोमिया राजा हा ॥

बापजी नर नारी,
सेह जोड़े आवे हे
निवण करे ओ,
गाळे री धाम,
सायल सुणो,
ओ भोमिया राजा हा ॥

बापजी चांदो जी बैठा,
सेवा रे माही बोले हे,
बुझियोडे दीये री थे,
लगाई दीवी लोय,
सायल सुणो,
ओ भोमिया राजा हा ॥

रिखियो बैठो,
भजन माही बोले,
बुझियोडे दीये री थे,
लगाई दीवी लोय,
सायल सुणो,
ओ भोमिया राजा हा ॥

बापजी गूगल धूप,
गाळे पर खेवा हा,
परमल बास,
पियालों में जाय,
सायल सुणो,
ओ भोमिया राजा हा,
करूँ मैं आरती,
दोय कर जोड़,
सायल सुणो,
हिंदवाणी रा सूरज हे ॥

प्रेषक रामेश्वर लाल पँवार ।
आकाशवाणी सिंगर ।
9785126052

Source: <https://www.bharattemples.com/gugle-dhoop-gaale-par-kheva-sayal/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>